

序

上藥三品。神氣與精。今人不知保真。妄洩真氣。以致百病蜂起。內經所謂冬不藏精者。春必病溫是矣。而四時之病。可類推也。夫疾病存亡。權在司命。苟能挽回生死。豈非不斃而同良相業哉。羸於乙未暮春。訪友至紹。適遇羅越峯先生。敘談日久。知先生秉性純粹。品行端方。業宗岐黃。肱稱三折。摘集良方。逐漸搜羅。十年窗下。一卷始成。捐貲刊板。以啓同人。俾見者一目了然。價廉而功大。至易至簡。求之難者。不若取之便。斯謂惠而不費之意。功不在大。事貴乎急。仁心濟世。廣傳普施。而先生救世之心。亦並垂不朽也夫。

光緒二十一年初夏姚北羸嶠胡震敘

序

越峯先生外舅硯香公之弟也。外舅官於涿。佐州牧以牧民。歷有年所。靡日不以民生之疾苦爲心。思所以療治之。是殆寓醫於政者。先生雖不仕。而濟人之心如一。其家多藏書。尤多醫書。半爲先生之祖敬軒公父履安公所手錄。先生少而習之。至於老不倦。迄今幾四十年矣。又以貧苦之民有疾者。恒艱於就醫。或就醫而艱於藥資。且疾之發於倉猝者。雖富厚之家。急難覓藥。於是徧採各書中經驗之方。而其藥易致者。分門別類。彙爲

一編付諸手民刊印傳送一以傳十十以傳百庶居荒村僻壤者遇有是疾咸得按方以治之余既欽外舅之寓醫於政又服先生濟人之心常寓之於醫也爰爲之序

光緒二十一年夏五月姪婿章華國拜序

凡例

一 猝暴之症。生死須臾。那時不但醫藥難招。而且遲疑莫決。待到商量定當。病已垂危。藥難措置。故特精選各書。糾資刊告。以濟倉皇。倘蒙輾轉印送。廣濟無窮。則幸甚矣。

一 是書熟悉後。肯傳播城鄉者。則更勝於書。書賴人行。人賴書知。二者相資。不可相失。

一 各書藥味分兩。或無或重者。什有其二。恐難通行。茲已加減註定。餘照原本。

一 書內所用雄黃。必須天黃。因平常雄黃。臭而力小。天黃不臭而力大。正救急之要藥也。如今麻油夾以他油。用者慎之。

一 用酒是紹酒。燒酒。另有註明。醋須米做。酒醋不效。

一 生薑。即鮮薑。乾薑減半。藥店乾薑。表而中守。與此統表者有別。

一 黑大豆。用廣而功大。無奈偏閱藥肆。有馬料豆。而無此豆。馬料豆。本草

另立其用。豈堪混入。不知何時失傳。今姚北胡瀛嶠云。他處烏豆有兩

種。小者即山會之烏豇豆。大如扁豆者。俗名烏毛豆。其豆烏皮綠肉。可

止冷汗。書云
盜汗但此豆懶生少獲。故人間少種。購之者。稍升其價。以合其

算。則自然廣種。從此核來。就是黑大豆。而山會惟黃豆中。間或有之。恐難驟得。姑以大豆卷。暫時權之。屬望有心人。告諸同道。傳種各方。俾隨

地皆有。豈不便宜。黑大豆功用大略。中風不語。喉痺不語。並用黑豆煮濃汁服。中風危篤。煮服。孕婦腰痛。產後餘血。並炒焦酒淋服。胞衣不下。酒煮服。或醋煮服。

一赤小豆功用亦大。代以紅黑豆。名相思子。謬已多年。今司馬池張璞山云。卽沙地種之。暗紅細豆。越經辦到試用。果得功效。本草從新亦然。赤小豆功用大略。外科癰疽散藥。內科脹病利藥。血下難產。重用赤豆。次阿膠滑石。胞衣不下。炒煮溫服。

一書中寫灰者。炭也。灰白性盡。炭黑性存。用炭不用灰也。

一用醋湯者。和以開水。用酒送而遇不吃酒者。不妨加以開水。

一凡急症之藥。遲則不救。總宜預備。以便人己。

一是書雖分其類。亦有兼治之方。未免失登。用時再查。

一對症施藥。毋得模糊。一服不效。須再服。再服不效。則另議可也。

一是書傳者傳。述者述。一一註明出處。不敢杜撰。不敢掠美。有參以鄙見者。則以愚按別之。惟古方輕重妄改者。或經試驗。或係妄斷。則不得不任其咎也。識者諒之。

凡取童便。五六歲起。至十二三歲止。當時爲父母者。恐其減福。不許其溺。不知救人性命。乃增福延壽之事。何樂不爲。倘無他童。卽自己子姪。切宜踴躍。

目錄

卷一

癩狗惡狗	一
毒蛇惡蟲	三
食毒五傷	七
跌打五傷	一八
諸物鯁喉	二七
猝死驚風胎毒	二九
疳	三七
眼科	三七
養生	四六
卷二	
胎	五三
產	六五
崩漏	七六
月經及試胎法	八一
婦女帶症	八四
統治一切血症	八五
鼻紅	八八

吐血	八九
耳衄齒衄舌衄及他症	九一
大小便血大便血并腸風	九五
小便血	一〇〇
癩癰癩狂笑哭	一〇一
怔忡喜忘不寐	一〇四
五疸	一〇五
水腫	一〇六
鼓脹	一〇七
陽亡	一〇八
牙	一〇九
耳	一一〇
鼻	一一一
呃吐	一一二
痞	一一三
渴	一一四
汗	一一五
卷三	

統治一切中症	一七
中風	一八
口眼歪斜	二〇
中氣	二一
中喝	二二
中暑	二三
中惡	二三
喉症	二三
痧瘴時疫	二七
泄瀉	三六
痢症	三七
五淋	四二
關格	四七
大小便不通	四九
大便不通	五〇
小便不通並數	五一
胞轉并交腸	五四
遺尿	五六
遺精白濁	五七

卷四

痰飲喘哮	五九
心胃氣痛等	六一
胸脇腰腹	六三
疝氣奔豚	六五
膈症	六七
蟲症	六八
積聚痞塊	六九
癆症	七一
手足凍裂並跖	七三
男婦陰中諸症	七四
痿	七五
痘瘡	七七
外科	七九
癰核腮頰	一九
風氣風毒	二一
雜症	二三
藥辨真假損益	三三
補遺	三六

疑難急症簡方卷一

山陰羅越峯輯 杭州徐志源校

癩狗惡狗

癩狗咬方 節錄江西俞叔應
驗良方等原委

凡蛇蟲每年驚蟄後桃花時出洞。霜降後梅花時入洞。出入呼吸吐納之毒。常遺洞口。犬性喜嗅。適觸其毒。遂成癩。名獼犬。每日只出毒一口。不拘何時。並不拘咬傷多少。春夏之間。名桃花癩。秋冬之間。名梅花癩。其狀頸硬頭低。耳垂尾躲。直向前行。并不識生熟人畜。隨見隨咬。若人不知此狗而善避。或含衣。或咬身。鼻聞其氣。身受其毒。都要肚痛痛甚。內如刀刺。昏抓膺胸。嚼舌嚼指。咬衣。咬物。咬人。如人被咬。亦生此證。畜被畜咬。固不待言。約二二三時痛死。若牛羊雞鴨等。被咬死者。皆棄而不食也。初咬並不知覺。須待七日百日發作。或疑惡狗。試以蒲扇搨去。人必戰懼。更用鳴鑼。其癩即發。而又人狗俱怕。藥後頭頂又有紅髮。須拔盡。七日內服一帖。毒化爲血。從大便而出。淨否用生黃豆搗末試服。嘔惡者。毒已淨。不再服。可口者。毒未淨。宜再服。服後七日一試。試三次。共三帖。必愈。惡狗咬者。無此證。其方另備。倘牙關緊閉。紅糖擦開。進藥。孕婦治同。前輩有用斑蝥及草藥攻打。追逐惡血。從溺竅出。痛裂難禁。雖不即死。亦死中求活。誠非良法。如已誤服斑蝥者。毒留腹中。另煮烏毛豆生甘草濃汁飲之。或酸汁或黃

連水或涼水調六一散三錢服二三次可解斑蝥毒。

鐵黨參

紅柴胡

生甘草

浙茯苓

前胡

羌活

獨活

鮮生薑

各三錢

炒枳殼

桔梗

撫芎

各二錢

生地榆

三兩

紫竹根一大握

越按如無紫竹根。不論何竹根俱可。

惡狗咬方又

照前方加

烏藥一兩

濃煎拌飯服。斷不致癩。

癩狗咬方

又蕭山陳慶祚

咬後。不論久近。服之極效。一切不忌。真仙方也。

老萬年青根葉

搗汁一碗

生服。如仍痛再服一碗。倘多服不快。用生薑汁。

毒亦可解。

癩狗咬方

王歷良方彙錄

咬後。於無風處。擠出惡血。再用鹽水洗淨。取蚯蚓泥。百草霜。

此二藥。能去毒。火調上。貼之。即愈。

等分攪勻敷。紫數日。日中照見頭頂紅髮。須拔盡。

韭菜地紅蚯蚓

七八枚。殺肚去泥。鹽水洗淨。

米醋煮一二沸。紹酒送下。毒從大便出。

重則兩服。

癩狗毒蛇咬方又

人糞塗咬處。用布縛。新糞尤佳。諸藥不及此。

惡狗咬方又

蠶豆嚼爛塗之。或棉絮燒炭。敷上愈。初咬時。急將砂仁末摻之。愈。或將木鼈子煨炭。研末摻之。愈。

惡狗咬方

食物本草

熱牛糞。封之。即時痛止。冷而濕。亦可。

毒蛇惡蟲

蛇咬

陳篤軒鈔本

梳垢國一。尿和敷。

又方。尿洗去血。牙垢封護。

又方。蜘蛛搗敷。

又方。活蝦蟆搗敷。

又方。蓖麻仁嚼敷。

又方。新汲水調香白芷末一兩。灌。

又方。紫蘇葉汁飲。

又方。薄荷研酒服。並塗。

又方。絲瓜汁沖酒服。並塗。

又方。莧菜根順杵。酒泡飲。渣敷。按野莧菜更勝於真

又方。急用針刺咬處。兩頭扎縛。隨浸糞缸內。食蒜飲酒。令飽醉外。

或搗蒜敷。艾團灸。

又方 嚼鹽塗。

毒蛇咬

號北胡
漏竭

鮮天南星

一名獨立
一枝鎗

治失榮癰癰蛇咬等症。搗敷極妙。

趙嘗聞治蛇傷者云及獨立鎗。深以爲秘。今特點破。又按諸書。南星

治蛇傷。不分乾濕。如時值無鮮。正可照書而行。所遜者遲速之間耳。

蛇咬及諸毒蟲螫

隨息居
飲食錄

烟筍中垢塗之。

毒蛇咬

玉歷良
方彙錄

半邊蓮

其草極細小一莖一葉生於蔓草中三
四月開花似蓮之半朵故名半邊蓮

陳篤軒
鈔本

半邊

蓮藤汁名金錢草。用唾揉敷。諺云。有人識得半邊蓮。終朝可拌毒蛇

眠。

又方 青木香不拘多少。煎服痛止。再用白礬滾水泡洗即愈。

又方 大蒜和胡粉塗之。愈。

瘋狗毒蛇咬

又

人糞塗咬處。新糞尤佳。諸藥不及此。

蛇纏人足

又

急以熱小便溺之。即解。

大蛇纏身

又

急用鐵針。插入蛇糞門立解。

又法驗方新編

蛇纏人身。愈纏愈緊。最難解脫。急令其人倒地。遍身轉滾。

蛇自骨軟解放。神效。

又法 用草刺蛇尾上小眼。亦極神驗。

越按平常蛇纏。用後兩法足矣。到萬不得已。方用鐵針。

蛇蝎蜈蚣咬又

大蒜頭搗汁服。滓敷咬處。

又方續陰綱目

五靈脂兼解毒及蛇蝎蜈蚣咬。塗傷處。立效。有心人宜預

備。

又方洞天奧旨及準繩

治蛇傷解蟲毒神效。

五靈脂一兩

雄黃五錢

研末塗患處。良久後。用五靈脂二錢

天雄黃五分

煎服神效。

蠶嚙玉歷良方彙錄

毒入肉中。令人發寒熱。以苧麻葉搗汁。塗之即愈。凡喂蠶誤雜苧葉。蠶食

之必壞。

蜂刺又

急口嚼栗子敷之。或用生芋芳。或芋根擦之。立止痛。

辟臭蟲隨息居飲食譜

木瓜片鋪席下。

陰蝨癬瘡皴裂又

手足皴裂。下疳陰蝨。頭面癬瘡。並用生白果杵爛塗擦。

守宮

即壁虎。咬陳篤軒鈔本。

桑木炭研。水煎滾濾汁。調白礬末敷。驗方新編 桑葉煎濃汁。餘同。

射工溪毒傷

此水中射工。又有樹上毛蟲。亦名射工。節錄驗方新編。

驗方新編

桑葉煎濃汁。餘同。

射工一名溪鬼。蟲又名射影。又名水弩。出南方有溪毒處。長二三寸。寬寸許。形扁。前寬後窄。腹軟背硬。如蟬又如蟹。六七月甲下有翅能飛。作鋏鋏聲。寬頭尖嘴。嘴上有角如爪。長一二分。有大足如蟹足。兩足在嘴下。大如一爪。四足在腹下。小而雙爪。口如弩形。以氣射人影。去人三四步即中。令人發瘡。不治即死。病有四種。初得皆如傷寒。或似中惡。一種遍身有黑黯子。四邊微紅。犯之如刺。一種作瘡。久則穿陷。一種突起如石。一種如火燒狀。又有溪毒中人。一名中水。一名中溪。一名水病。似射工而不見形。春月多有此病。惡痛惡寒。狀如傷寒。二三日則腹中生蟲。食人下部。漸食五臟。注下不禁。雖良醫難治。初得則下部有瘡紅赤。形如截肉。為陽毒。最急。若瘡如蟲噬。為陰毒。其勢稍緩。皆能殺人。過二十日不治。方家用藥。與傷寒瘟病相似。須用蒼耳草絞汁。服一二升。並用棉蘸汁。濃敷下部。或以小蒜煮微熱湯洗之。若身發赤斑。其毒已出也。玉歷良方彙錄此蟲鵠所喜食。鄰近人家宜多蓄鵠以剋之。

又方 取鼓母蟲一枚。含入口中。立愈。雖死亦活。或用鹽梅裹含之。亦可。此葛仙肘後方也。鼓母蟲一名鼓蟲。光黑大如豆。浮游水上者。即是。

又方 猪血飲之即解。

又方 知母連根葉研末服。或投水絞汁。飲一二升。煮湯洗浴亦佳。
夏月出行。多帶知母連根搗碎。投水上流。可辟此毒。陳鶴軒鈔本 知母連根
葉搗服。

又方 雞糞要白
色者與糯米糖調敷效。

又方 芥菜子末和酒厚敷。

又方 馬齒莧搗汁一升服。以渣敷之。日四五次。

又方 白鵝血飲之。並敷其身。極效。

又方 王歷良
方彙錄 玉樞丹即太乙
紫金錠磨服一錠。即安。

又方 陳鶴軒
鈔本 酒熬皂莢塗。

又方 蜈蚣一條。炙研醋和敷。

食毒五傷

蟲注論 幼科
準繩

巢氏云。人聚蛇蟲雜類。以器皿盛之。令相噉。食餘一存者。即名爲蠱。能變化。能隨飲食入腹。食人五臟。中其病者。大小人無異狀。心腹刺痛。懊悶急者。即死。緩者。涉歷歲月。漸深羸困。食心臟盡。利血。心臟爛。乃至死。死又注易傍人。故爲蠱注也。

越 按此爲人下之蠱。而諸書多不分明者。蓋亦有自下之蠱也。一則飲食不潔。二則不藏不蓋。適逢蛇蟲暗過。遺毒於中。人不知覺而食

之亦成此症。故諸書蠱方皆云通治。俗傳過夜飲食必蒸燂者。不但適口。兼避毒也。

蠱疾驗方新編

寸白蟲疾。此症面色黃瘦。飲食少進。發時腹痛。口吐清水。

尖檳榔

一兩俗名東核板榔 木香五錢

末。大人每服五錢。小人每服三錢。開水調下。其蟲即隨大便而出。先用煎炒香味。令病人聞之。然後服藥。須在月初乃效。病重者二三服即愈。

又方 連鬚老葱頭搗汁。麻油調服。或炒葱頭食。能化蟲爲水。

又方 榧子七箇 日服二次。服至七日。蟲化爲水。

又方 鴨蛋一箇 破一小孔。入使君子肉末一錢。檳榔末一錢。用紙封

口。蒸熟食之。蟲隨大便而出。

又方 小兒科雜治門內。羊尿脬方。治疳疾最效。並治大人蟲疾。

蠱毒下血類方準繩

地榆散。治蠱毒下血。或腹痛。或不痛。百治不效。煩渴不止。

臭榆東引根白皮。蜜炙焙乾。地榆各半 研細末。每服一錢。熱米飲湯

調下。

治諸蠱毒隨處居飲食諸

鰻鱺魚乾。研末。空心服之。三五度瘥。

一方 燒炙令香。食之尤佳。其魚有五色紋者佳。

避蠱又

葶藶晒乾爲末。每日湯下二錢。蠱家知有此物。卽不敢下。

偏脯鬱肉諸食物毒

韭菜汁灌之。

過食蟹蚌瓜果致病又

丁香末五分 薑湯下。

解鴉片毒又

肥皂或魚汁或猪糞水和絞汁灌之。吐出卽愈。

甘草煎濃汁。俟涼頻灌。

生南瓜搗絞汁頻灌。

青蔗漿恣飲。

凡服烟而死。雖身涼氣絕。若體未僵硬。宜安放陰處泥地。一經日照。卽不可救。撬開牙關。以竹箸橫其口中。頻頻灌以金魚汁。南瓜汁。甘草膏之類。再以冷水在胸前摩擦。仍將頭髮解散。浸在冷水盆內。或可漸活。

解吞生鴉片

天雄黃二錢 雞蛋清一箇 生桐油一兩 河水調勻灌之。

急解生熟鴉片節錄

真柿漆微漆店及用藥店有賣的 半茶碗。清水半茶碗。調勻灌下。並不吐瀉。神效。若

遲至指甲青黑口閉。用篴撬開灌下。使兩人扶走百餘步。無不見效。凡鴉片投以柿漆。立化白腐。其味不苦。其毒盡消。姚北胡編方亦然。

解食鴉片諸邑郭審吾

硼砂不拘多少。冷水調服。得吐即愈。

治誤服洋烟砒霜水銀等毒方咸應篇引經箋注

條炭即木炭研末。沖水飲之。如炭受潮無力。必須燒過乃效。

蛇毒及畜獸諸毒方醫級雜病類方

天雄黃生白礬等分研末。端午日。熔黃蠟爲丸。梧子大。每服七丸。服

時溫酒下。

腹中蛇癥隨山字方鈔

誤食菜中蛇精。成蛇癥。或食蛇肉成癥。腹內常飢。食物即吐。

赤足蜈蚣一條炙研末酒服。

越按癥。即塊也。書云。蛇交在菜地居多。故菜宜洗淨。此症與肝胃氣

塊有別。肝塊者。先自過飢過飽。及冷食。而又毆氣。由漸而得。此乃食

菜後起。腹痛日重。食物即吐。以致肚大如塊。非肝塊之或上下或左

右之不定也。不可渾治。

水毒類方

中此毒。如傷寒狀。

五加皮末一錢

酒調下。日兩服。夜一服。

又方 丹皮末 二錢 酒調下。日三服。

蛇交水毒 又

一人春渴。掬澗水兩口嚥下。數日覺心腹微痛。日久痛甚。因蛇精入腹。生蛇作痛。

天雄黃 七分 水調服。瀉小赤蛇愈。

中毒及蛇蟲咬并癰疽始作 又

好青黛 七分 天雄黃 七分 研末。水調服。

解一切藥毒草毒六畜肉毒方 證治合參

白扁豆生晒乾。研末。新汲水調下二三錢。

臭蟲入耳 玉歷良方彙錄

驚甲燒烟薰耳。其蟲立死無害。過後可服菊花湯。以杜火氣。

諸蟲入耳 又

菜油滴入耳中。即出。

誤吞銅錢 又

多食胡桃自化。按胡桃與銅錢共食。即成粉可證。

誤吞銅鐵 又

胡桃肉 四兩 葶薺 一觔 共搗汁。冲酒服。 東 陳篤軒說。凡吞鐵宜以白炭

研細末。糯米湯下。三日。其炭末裹鐵從大便而出。

誤吞金器 又